


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-84	Al-Insyiqaq	25	1	Makkiyyah	Ke-83	4



Zaman Diturunkan

Surah al-Insyiqaq juga diturunkan selepas da'wah terbuka kepada orang-orang Quraisy dilancarkan iaitu pada peringkat kedua kehidupan Rasulullah s.a.w. di Mekah di antara tahun ke-4 hingga ke-5 Kenabian. Pada ketika itu penentangan yang hebat terhadap Rasulullah s.a.w. telah pun berlaku, Baginda dihina dan diperolok-olokkan.

Kelebihan Surah Al-Insyiqaq

Rasulullah s.a.w. bersabda إِذَا السَّمَاءُ انْفَطَرَتْ وَإِذَا السَّمَاءُ انشَقَّتْ وَإِذَا السَّمَاءُ انشَقَّتْ وَإِذَا السَّمَاءُ انْفَطَرَتْ إِذَا السَّمَاءُ انشَقَّتْ وَإِذَا السَّمَاءُ انْفَطَرَتْ إِذَا السَّمَاءُ انشَقَّتْ. Bermaksud: “Sesiapa yang hendak melihat hari kiamat seolah-olahnya dengan mata kepalanya dia hendaklah membaca إِذَا السَّمَاءُ انْفَطَرَتْ إِذَا السَّمَاءُ انشَقَّتْ dan إِذَا السَّمَاءُ انشَقَّتْ”. Hadits riwayat Tirmizi, Kitab Tafsir, Bab Surah at-Takwir, hadits 3,333, ini adalah hadits shahih.

Perkaitan Surah Al-Insyiqaq Dengan Surah Sebelum Dan Selepasnya

Di dalam Surah al-Muthaffifin sebelum ini telah tersebut tentang suratan amalan manusia, suratan amalan orang-orang أَبرار berada di dalam سَجِّين dan suratan amalan orang-orang فجار pula dimasukkan dalam عِلِّيِّين. Di dalam Surah al-Insyiqaq diberitahu bahawa suratan amalan akan diperolehi orang-orang yang bertuah melalui tangan kanannya, orang-orang yang malang pula akan diberikan suratan amalannya dari belakang.

Beberapa Kata Kunci Dan Tema Utama Surah

1. Di dalam surah ini dijelaskan bahawa manusia maju ke hadapan dengan tekun, bersungguh-sungguh dan susah payah, tetapi ia tidak sedar bahawa selepas mati ia akan menemui tuhaninya إِنَّكَ كَادِحٌ إِلَىٰ رَبِّكَ كَدًّا لَتَرْكَبَنَّ طَبَقًا (Ayat: 6). Perkara yang sama tersebut di dalam ayat ke-19 tetapi dalam bentuk yang lain عَنْ طَبَقٍ.
2. Orang-orang bertuah yang akan mendapat suratan amalan dengan tangan kanan di hari kiamat nanti, akan mudah hisabnya جَسَابًا يَسِيرًا (Ayat: 8). Rasulullah s.a.w. menjelaskan maksud جَسَابًا يَسِيرًا (hisab yang mudah) ialah masuk syurga tanpa hisab.
3. Bumi dan langit juga sedang merentasi stesen-stesen dalam perjalanannya.
4. Manusia juga mempunyai stesen-stesen dalam perjalanan hidupnya seperti syafaq, malam dan bulan. Stesen-stesen dalam kehidupan manusia yang dimaksudkan ialah dari mula ia lahir ke zaman kanak-kanak, zaman muda, zaman tua, mati, kubur, di hari kiamat nanti dihisab dan akhir sekali sama ada ke syurga atau neraka.